

欽定剿平三省邪匪方略

正編

一
二
〇

卷之五

五

五

欽定勦平三省邪匪方略正編卷二百八十五

辛酉年

十一月二十二日

乙未

額勒登保德楞泰勒保奏

言

臣

額勒登保前聞

臣

德楞泰勒保有前來會

商之信卽於簡池壩稍候

臣

德楞泰勒保由竹

峪關鐵溪河輕騎僭程前進初十日趕抵簡池

壩會晤並連日接據格布舍楊芳等稟報自拏

獲冉添璜之後由通江探勦李彬股匪於初六

日馳抵煙溪據報賊匪由三花頂竄至張家溝
卽連夜發兵進擊詎該匪亦於夜間向三官堂
逃竄初七日格布舍楊芳等抄出麻壩寨是日
該匪竄至龍灘壩相距六十餘里卽於三更帶
兵進擊黎明時趕至龍灘壩賊匪已竄上仙人
埡於陡壁懸崖處恃險抵拒格布舍帶領馬隊
官兵分左右兩路向山後抄截楊芳督率步隊

兵勇攻取山梁鎗箭齊發擊斃賊匪十數人賊
匪擲石抗拒弁兵受傷者數十人相持數刻馬
隊將次抄到步隊奮力搶攻賊遂翻山狂奔馬
步兵勇追趕數十里沿途斬獲三十餘名賊向
巴州之卧龍寨奔逸訊據獲犯供稱李彬近於
巴南一帶找尋打散之人陸續歸夥共有四五
百人屢被官兵乘夜暗襲每夜於一二更時起

身逃走並無定向等語格布舍楊芳現仍躡蹤
追剿務期辦竣又據賽冲阿温春呈報帶兵由
大陽壩進發初三日抵馬鞍山探得劉朝選股
匪由關廠溝西溪逃竄官兵趕至雲頂寺賊匪
一見官兵捨命前奔我兵趕上賊尾立斃十餘
名生擒十八名餘逆翻桅杆嶺星散逃遁官兵
分投搜剿殺賊二十餘名又擒獲男婦十五名

口餘匪竄向沙壩場探得該道只有三百餘人
已走樊噲店向開縣境內東奔現仍帶兵緊追
由南水岡取道碑牌溝花籃寺前進又據總兵
薛大烈稟報該鎮督兵緊躡湯思蛟賊蹤趕出
八臺山因探得白崖砦趙家坪等處有另股零
匪二三百人圍攻寨砦百姓等奔告乞援薛大
烈傳齊各將領於初八日申刻發兵連夜進剿

四更趕到該處薛大烈密諭兵勇勿舉烟火暗
視賊屯所在候至黎明賊匪正由趙家坪起竄
經副將張績叅將羅聲臯遊擊桂涵等各帶兵
勇一擁衝殺該匪數雖不多人人兇悍分投抗
拒我兵於亂石溪水中與之攬殺賊始紛紛向
犀角坑梨樹溪各處逃竄後經叅將蕭鳳來遊
擊胡定邦等帶領兵勇分投截殺賊無生路有

棄械乞命者有捨命衝撲者各將領分投督戰
層層圍攻並無一名漏逸共計斃賊一百餘名
生擒七十三名奪獲旗幟鎗矛甚多獲犯內查
有爲首襄陽老教掌櫃蕭焜僞總兵先鋒趙文
科李悞文牌頭王階等四名訊係林亮功林天
相股內零匪向與他股附合在川陝楚一帶逃
匿近因各股皆被剿殘敗蕭焜等復帶領餘黨

各自奔逃今被官兵斬獲無遺臣等卽飭將該

逆等一併凌遲處死所有擒獲該逆之兵丁田

得勝等數名記功示獎薛大烈現仍帶領官兵

偵探湯逆竄蹤趕緊剿辦至七十五剿辦苟文

明股匪由平溪壩追入南江地界初三日由大

黑灘至羅家壩探得賊匪竄抵雲霧壩七十五

帶領將弁兵勇分路進發初四日追至四河壩

趕上賊匪後隊殺斃十四名生擒十二名逃出
被脅民人數名賊匪搶上險山抗拒我軍鎗礮
轟擊傷斃賊匪十數名賊卽他竄訊據獲犯供

稱苟文明現在股內約有二千人今日苟文明

率衆先行僞副帥苟朝獻帶領數百人押後等

供七十五現仍跟蹤追剿

臣

等查刻下李彬股

匪有格布舍楊芳等追剿計日可以掃除湯劉

殷匪經賽冲阿温春薛大烈等節次剿殺零星

奔逃亦可卽期辦竣臣等昨又令札克塔爾馬

瑜副將應元寬叅將特依順保遊擊劉健標各

分帶官兵由蒙壩塘柳林溪向西偵探各股殘

匪協力趕辦以刻下賊情而論西面零匪較多

必須先行剿洗且芻逆一股先祇一千餘人近

日湊合餘匪竄脅良人又有二千之衆臣等雖

已疊次嚴催七十五趕緊截剿但非併力速辦

未能集事臣額勒登保現卽率同楊遇春等顧

住東北向西督剿上德楞泰由東南向西進擊

臣勒保仍由太平一帶向東進發督率薛大烈

將湯恩蛟一股剋期辦竣並將劉朝選股匪責

成賽冲阿温春帶兵專辦不日東西兩面賊匪

漸次殲除將緊要首逆悉數擒獲則全局卽可

欽定容將應辦各事悉心籌商奏請

訓示

額勒登保又奏言

臣

連日接據在陝境防剿之

總兵胡定泰汪啟並豐紳稟報高見竒一股賊

匪約三四百人於十月十四日竄至西鄉之乾

溝河胡定泰帶兵連夜進擊斬獲四五十人生

擒十五人該犯於十五六等日由蜡溪壩竄向

紫陽之黃瓜溪經汪啟一路營卡截住斬獲三十餘人該匪於十七日由壬河灘淺處涉水竄

過晚間在三星寨半山屯劄適豐紳因穆克登布患病頗重暫留孟石嶺營卡調養豐紳與桑

吉斯塔爾分帶官兵由東北向西南一帶探剿竄匪豐紳於是日行抵高橋相距不遠遂卽乘夜發兵天尚未明趕抵三星寨遙見賊匪在半

山屯紮溝底隔壬河一道水勢較深該匪不能
回竄我兵憑高下壓正得地勢當令侍衛噶達
爾叅將傅雲遊擊桑漢等帶領兵勇於左山梁
埋伏豐紳率同叅將王應鳳遊擊李國棟都司
劉貴麟等帶領兵勇於右山梁埋伏令遊擊高
萬春閣俊烈都司哲楞泰等帶領兵勇從中路
下坡奮力衝擊斃賊三十餘名賊匪一面抵拒

一面向右山梁奔逃豐紳率領伏兵鎗石並發
擊斃二十餘名並乘勢抄下山梁與閻俊燕等
併力勦殺又斃賊四十餘名該匪亡命向左山
梁尊路奔逃又經噶達鼐傅雲桑漢帶兵截住
三路兵勇衝入賊羣斬戮八十餘名生擒七十
八名賊匪向溝底亂竄豐紳率兵乘勢掩殺有
貴州兵丁朱必顯將高見奇擒獲餘匪逃遁無

路經我軍逼入河內淹斃數十人又殺斃四十
餘人尙有二三十人由旁路衝出匿入林箐亦
卽全行搜捕無遺共計獲犯一百十二名內有
僞帥周萬友軍師閻慎度先鋒張茂梁有和旗
手胡得舉李成仁劉寄朝張朝正等八名我軍
於賊匪攬殺之際都司哲楞泰猝中賊矛陣亡
遊擊高萬春臂受石傷桑漢身受矛傷其餘弁

兵亦傷亡數人訊據高見竒供稱係湖北襄陽人與高二高三係同族弟兄向在高二股內充當副帥自高二被官兵殺死我充當老掌櫃昨在廣元之桂門關被官兵衝殺我帶矛手約三百人又於山林內湊合另股逃散者百餘人到處藏躲因川中官兵追殺緊急想從西鄉紫陽一帶逃往湖北不料陝西層層有兵連遭截殺

今日到此被官兵斬獲盡絕將我擒住等供豐
紳將獲犯內從賊日久者七十九名先行正法
其餘二十五名係被脅民人卽行釋放所有高
見竒及僞帥周萬友等八名暫行押禁聽候辦

理_臣查高見竒肆逆有年其罪惡與高二高三

相埒茲得臨陣生擒並將夥黨全行殄滅足快
人心現已專差逐一驗明飭令豐紳將高見竒

及僞帥周萬友等八名懸行凌遲處死所有該

一路擒殺賊目賊匪兵勇

臣

除已酌撥銀兩銀

牌發往分賞並將汪啟胡定泰兩路兵勇亦酌

加獎勵其在事分外出力之備弁兵勇以及生

擒高逆之兵丁朱必顯據豐紳保送前來又慶

成在廣元地界勦辦賊匪生擒楊麟生所有出

力員弁奉

旨令慶成查明報臣茲亦據慶成報到臣謹將兩路

保送單內細加考核擇其奮勇超羣勞績屢著者一併開單先行請

旨獎賞現又據桑吉斯塔爾稟報上月二十日於紫

陽一帶之馬鹿山小白河一帶截剿由川入陝

之藍黃二號餘匪殲斃三十餘名生擒賊目蔡玉雲等二十四名該匪等被兵勇迎頭截剿仍

匪殲除過半餘賊不過三四十人竄向洋縣山
內又有署寧陝總兵韓自昌帶領官弁兵勇併
力搜捕日內諒可淨盡再近日來陝省沿邊州

縣及寨堡委員於賊匪入境時均能鼓勵寨民

協力搜緝其賊夥中投出者或一二十人二三

十人不等臣均隨時飭令妥為辦理凡係搜獲

匪徒不得輕縱其係自行散出者查明原籍妥

爲安置

額勒登保又奏言

臣欽奉

諭旨飭查由寧羗老林突出向西奔竄之賊究係何

股分出從何處汎地衝過刻下是否截回等因

臣

查此股零匪係由防守古城山遊擊王自祿汎

地逸出緣該遊擊於十月十五日探有夷匪數

十名竄至松光梁相距四五十里遂卽帶兵前

往堵剿該匪遁入箐林正在分兵入林搜捕忽
據守卡兵丁報稱西南又有賊匪竄至該遊擊
復帶兵勇星馳堵截不料該匪百餘人已乘間
翻越山林向西奔竄追剿不及據慶成具報前

來臣亦差人密查無異臣查該匪既係由遊擊

王自祿汎地逸出卽有疎防之咎但念該遊擊
只帶兵勇三百餘名分撥卡隘數處實係因賊

分竄往來堵截顧彼失此與防剿不力縱賊他
竄者有間應請

旨將該遊擊摘去頂戴以觀後效至慶溥於該匪竄
出後卽帶領兵勇奮力剿捕雖未將該匪截回
而現在斬獲已將完竣慶成相距較遠並因剿
辦楊逆股匪未能兼顧可否免其議處出自

聖恩至永明防剿之處係在南鄭迤東其寧羗一帶

非其統轄再查二等侍衛綸布春月前因患病
甚重前赴漢中調養茲據陝安道朱勳稟報該
侍衛於本月初十日病故臣查綸布春出師有
年殺賊奮勇前蒙

聖恩由侍衛游陞副都統今春偶因帶兵遲延獲咎
革職嗣又因打仗殺賊屢著勤勞蒙

恩賞陞二等侍衛並巴圖魯名號該員感奮倍常且

年力富強正咨其出力乃遽一病不起殊爲可惜
現已經漢中道府妥爲照料棺殮卽令其跟役
扶柩進京又有黑龍江佐領魏敏布特海佐領
根璧勒吉林防禦塔吉那寧古塔防禦銀保山
西寧武營叅將張元麒五員近因積勞患病在
軍營先後身故均奏入

上命軍機大臣傳諭額勒登保德楞泰勒保曰此次

李彬股匪經官兵剿急竄至仙人壩地方恃險抵拒官兵分路抄襲現在祇剩四五百人無難尅期辦竣其劉朝選湯思蛟二股在沙壩場趙家坪等處亦經官兵追擊所剩亦不過五百人勢極殘敗所辦尙好惟所稱苟文明股匪先祇一千餘人近日裹脅民人湊合餘匪又至有二千之衆額勒登保率同楊遇春等顧住東北向西督剿德楞泰由

東南向西進擊等語七十五帶兵素知其不甚出

力剿辦苟逆一股日久未見獲一勝仗辦理遲緩

早經朕看出是以節次降旨令額勒登保等將該

提督是否任意逗遛據實查奏今據奏到情形他

路所剿賊匪日見其少可見追剿緊急不予以暇

而七十五所剿苟逆轉增至二千餘人賊匪又得

從容裹脅非七十五辦理延緩何致如此卽額勒

登保等亦稱屢次嚴催何以並未叅奏况李彬湯
劉等股僅派賽冲阿格布舍等分投追剿而苟逆
一股則經畧叅贊督兵截擊是七十五竟全不足
恃額勒登保等僅於摺內隱約其詞未免意存瞻
顧自因大功卽日告竣不肯將提督大員遽行叅
劾殊不知葺功已近尤應賞罰嚴明卽軍務完畢
兵可百年不用而軍紀仍不可一日不肅何得於

懈弛之員稍存姑息乎著額勒登保等查明七十
五沿途如何逗遛或因舊病復發行走濡遲不能
趕上賊匪均屬七十五之罪卽應據實叅奏倘經
此次訓諭之後再爲容隱朕於他處訪聞得實額
勒登保等俱不能辭咎矣至請加恩各員俱照所
請行內惟兵丁朱必顯將高見竒生擒尤爲超衆
出力乃單內僅請與在事各員一體賞給藍翎未

免過輕高見竒雖非大股積惡首逆亦係著名之
賊經朱必顯擒獲自當逾格陞賞已另降旨將朱
必顯超陞把總賞戴藍翎並賞銀一百兩以示獎
勵又據奏疎防寧羌竄匪之遊擊王自祿僅請摘
去頂戴一節亦屬寬縱王自祿著革職作爲兵丁
留營効力贖罪額勒登保等於疎防遊擊尙有意
從寬無怪其於提督大員不肯覈實叅辦此時大

功業將告蕞軍營賞罰尤當公慎持平以昭激勸

何必代人受過耶至慶成慶溥等於西竄賊匪相

距較遠且能奮力剿捕其處分自可寬免但額勒

登保等大兵現在追剿苟逆一股倘該逆被剿緊

急或致折回陝境不可不預爲防範著額勒登保

等傳知慶成慶溥務須於陝省邊境隨時偵探嚴

密防堵設有竄回之賊務須迎頭攔剿勿使一名

闌人若防範不嚴致令竄入陝境則惟伊二人是
問斷不再恕就目前大局而論苟文明李彬湯思
蛟劉潮選等本係後起之賊非起事首逆可比且
屢經官兵剿捕勢極窮蹙該逆等猶復怙惡不悛
始終不肯投出自當痛加搜捕悉數殲除總以剿
爲正辦但該逆等每股尚有一三百人多至一二
十人不等必須散其黨與使該逆等孤立無助更

無難卽日殲擒當此搜捕緊急之際不妨出示曉諭以爾等本係良民陷於賊隊今著名首逆無不悉就誅夷一二遊魂已如釜魚阱獸大兵四路搜拿立成灰燼爾等何苦甘心從賊自蹈死亡若能趁此悔心一經投出卽與編氓無異况早令地方官清釐叛產將來卽予伊等耕種作爲己產並廣爲設法以裕其衣食之源卽或賊中僞總兵掌櫃

等如果悔罪投誠亦當宥其一死倘或擒獻首逆
並能仰邀獎賞禍福生死所關爾等不可不及早
悔悟如此愷切曉諭散其脅從更爲事半功倍再
樊人傑一犯前據額勒登保奏稱總在川境本日
全保長麟等奏剿辦藍黃青白等號餘匪摺內稱
有樊人傑之弟樊小掌櫃一犯在楚境肆擾而額
勒登保等摺內又未將樊人傑蹤跡敘及並著查

明覆奏又據奏豐紳一路生擒首逆高見奇時所

有與賊攪殺中矛陣亡之都司哲楞泰著咨部賜

卹遊擊高萬春臂受石傷桑漢身受矛傷現在是

否痊愈并著遇便覆奏至綸布春自獲咎之後頗

知奮勉出力已仍加恩賞給巴圖魯名號超陞二

等侍衛茲據額勒登保奏稱該員染病身故殊爲

可惜著加恩照頭等侍衛軍營病故例議卹

上諭內閣曰首逆高見竒肆擾有年其罪惡與高二
高三相埒此次豐紳探知該逆屯劄三里寨卽乘
夜發兵率同桑吉斯塔爾等三路並進奮力衝擊

臨陣將該逆及僞元帥周萬友等八名生擒並將
匿入林箐餘匪全行搜捕無遺實堪嘉獎豐紳著
加恩賞給提督銜桑吉斯塔爾噶達鼐傅雲王應
鳳桑漢李國棟高萬春閻俊烈劉貴麟柯連仲周

天章等俱著交部議敘其擒獲高見奇之貴州兵
丁朱必顯著加恩超陞把總並賞戴藍翎仍加賞
銀一百兩以示鼓勵至慶成豐紳兩路出力備弁
兵勇內守備何榮王登科二員著照額勒登保所
請賞換花翎千總朱得芳把總齊慎馬斌張燦文
外委徐成連胡永泰艾玉林額外外委趙連城單
烟兵丁梁安王吉泰軍功趙永才孫玉吳炳通等

十四員名俱著賞戴藍翎

同日德楞泰勒保又奏言查川省沿邊地方幅
頓遼廓一州一邑有周遭二二千里及七八百
里不等到處深山老林地方文武耳目難周遂
致奸宄潛生易於滋事此次教匪不法蔓延數

十州州幸蒙

皇上天威各路官兵疊次殲擒醜類大功屆歲而剿

散餘氛潛匿於川陝楚三省邊界尙須悉數搜
際卽事竣之後亦須責成地方文武彈壓稽查
但欲再添重鎮需項浩繁

國家經費有常未敢輕議似不如將營制文員因
地制宜量加添改庶事不煩而功易集

臣等連

年帶兵往來於東北兩路察看情形酌擬章程
茲與經畧額勒登保量爲更定查重慶川北兩

鎮所轄地方本大總兵一駐重慶一駐保寧均
爲扼要之地未便改移而所屬沿邊地方自巫
山以至廣元綿長二千餘里距兩鎮駐紮之處

較遠實有鞭長莫及之勢自應於連界陝楚地
方酌量添改營汛以資控制查太平一縣爲川
東川北沿邊適中之地原設都司一員營分較
小不足以資彈壓其所屬之城口與廣元縣屬

之黃楊堡通江縣屬之竹峪關大寧縣屬之徐
家壩巫山縣屬之大昌等處居萬山之中爲三
省毗連要路均須分設營汛聯絡聲勢應請將
太平營改爲太平協設副將一員駐紮城內卽
以太平營原有都司一員作爲協標左營移駐
城口安兵四百名添設協標右營守備一員隨
同該協駐城防守卽以太平營原設兵數作爲

右營兵額再於協標另設守備一員兵二百五
十名分駐通江縣屬竹峪關防守又於廣元縣
屬黃楊堡大寧縣屬徐家壩巫山縣屬大昌營
三處各設守備一員兵各二百五十名查太平
營向係川北鎮標營分今改設太平協應仍歸
川北鎮統轄其新設黃楊堡一營原係川北鎮
標汛地應亦歸川北鎮管轄徐家壩大昌營原

係夔州協汎地應歸夔州協管轄以上新設各
營除原有都司及舊設兵數外計添設副將一
員守備五員所添兵額請於通省營分酌量籌
撥如有不敷卽於各該處隨征鄉勇內擇其情
愿入伍者挑選充補每年加增經費無多而於
邊界兵防益覺周密其應行添設千把外委等
官分防營汛馬步戰守額數及各官俸薪等項

分例現飭藩司會同三標中軍查例議詳另行
咨部核辦至文職府廳州縣各官有地方之責
現在賊氛初靖亦應因時變通臣勒保率同司

道詳悉籌議查達州一屬爲教匪起事之地民
俗刁悍撫治綦難應請以達州直隸州改爲府
治太平縣地方遼濶爲東北沿邊適中之地今

又設立協營應請改爲太平廳直隸同知卽以

太平縣缺改爲府治附郭首邑新寧東鄉兩縣
則仍循其舊惟東鄉縣屬南壩地處通衢應添
主簿一員分駐彈壓新改太平廳應添照磨一
員作爲該廳首領所屬城口地方原有主簿一
員今旣改縣爲廳應將主簿裁去改設經歷一
員歸廳管轄又涪州所屬鶴遊坪近日結成一
寨周圍四百餘里上有場市四處居民數萬家

距州甚遠不可無官彈壓應添設州同一員分
駐又平武縣屬之大印山周遭數百里民番毗
接近成寨落數處戶口增至數萬距縣亦甚窳
遠應添設主簿一員分駐又綿州金山驛地方
向係該州舊治稱爲老州先因被水衝塌城垣
於乾隆三十五年將羅江縣裁去卽以綿州移
駐稱爲新州去年賊過嘉陵江時老州百姓連

夜修築城墻竭力堵禦得保無虞現在城郭煥
然城外河流近年亦已改道無慮再有水患該
百姓等疊次呈請移復州治現經藩司議請將
茂州所屬之保縣裁去歸併理番直隸同知管
理卽以保縣一缺改復羅江縣綿州則仍歸舊
治各照當年原設地方分撥管理以順輿情綿
州州判仍駐豐谷井以復舊治至添設裁改文

職各缺本應遵照定例裁缺抵改惟現當籌辦

軍務善後之時未敢過於拘泥所有達州一處

以州改府請免另裁府缺其添設太平同知查

有順慶府同知事務較簡請歸併該府通判管

理卽將順慶同知改抵太平同知達州旣已改

府原設州同可以裁去改抵涪州州同墊江縣

縣丞向駐高灘事務亦簡請歸併該縣管理卽

將墊江縣縣丞改抵新設太平廳經歷太平縣
城口主簿改抵東鄉縣主簿達州原設吏目可
以改爲該府經歷麻柳場巡檢卽分隸首縣管
理惟太平廳應設照磨一員平武縣應添主簿
一員通省實無閒缺可裁惟有仰懇

聖恩俯念地方情形今昔不同准予添設以收實效
其餘教職巡典等官或須另爲變通現任各員

如何更調學額如何定設及衙署俸工役食等
項現飭藩臬兩司會議具詳另行分別奏咨辦
理奏入得

旨軍機大臣會同該部速議具奏

同日全保長齡奏言查楚境辦賊先須顧住東
北腹地攔剿並施往往以兼顧爲慮而賊匪經
官兵痛剿入山恃界外無兵堵擊不難隨處漏

逸迨竄入深林密箐中或又間道抄出官兵之
後或勾結界外另股併合回竄折走賊勢雖衰
而稍稍擒掃實由於此臣等前將官兵分佈各
路形勢已極周密因熟籌大局此等敗匪與其
逐之出境僅清楚界自不若揆度地勢窮賊所
向設法夾擊較爲得計隨探得戴家營一股竄
往白河口老莊子一帶復聚集山內零匪南奔

大禾田又會合川省邊界青藍等號大股賊衆
併力竄回湖溪平渡河地方人數驟增約有二

千餘人_臣等當卽約會兩路並進_臣全保督率

侍衛富翰塔津保總管都當阿佐領霍隆武叅

將孫應奉承祿德興由獐洛河向東進剿_臣長

齡親率侍衛雙福遊擊王占鰲巴圖魯守備馬

濟盛守備楊永順陳添壽等由柏木坪向西進

剿臣全保一路於初八日趕至老居溝正遇賊

匪在彼屯紮當令官兵分兩路吶喊抄撲該匪
衝突數十次監翎把總張朝鳴把總黃遇龍謝
英外委施安仁帶領兵勇首先競進短兵相接
攬殺一處斃賊一百餘人富翰都當阿承祿都
司羅綸高承耀等帶馬隊趕到鎗擊箭射又斃
賊百餘人滾崖傷斃者百數十人追至七架山

身之三才身身身身身身
沿途乘勝殲殺計是日前後共斃賊三百餘人
又生擒余元徐么兒等二十一名供稱戴家營

原剩五六百人因合張世舉等各股共集有二
十餘人復又折回等語該匪等均係精壯矛手
訊明後當卽正法又救出被裹民人七十餘人
釋令就近歸業奪獲騾馬牛驢刀矛旗幟鳥鎗
甚多該匪連夜散竄八里坡一帶併力肆突適

叅將姚國棟遊擊三福等帶兵勇搜山到彼乘
夜抄至一碗泉攔剿正值該匪擁至鎗箭並發
斃賊七十餘人賊已退却姚國棟三福帶領兵

勇衝入賊隊射倒數賊匪衆情急攢撲路仄水

凌馬力難施該二員一受矛傷一受鎗傷陣亡

適賊衆蜂擁東奔臣長齡趕抵八卦廟迎頭接

仗遊擊王占鰲佐領張進亨委官武成保把總

趙先貴帶領兵勇首先搶進殺賊百餘人該匪

後隊並到抵死抗拒分作五隊迎敵勢極兇悍

張進亨助受矛傷二處武成保腿受矛傷一處

呢瑪善雙福等身先士卒極力衝擊守備馬濟

盛箭斃藍頂花翎馬賊一名馬步官兵赴勢儘

力齊上鎗矛並舉

臣

長齡又帶領都司金洪翮

等一擁而進復斃賊一百餘名生擒九十八名

奪獲騾馬牛驢九十七頭匹器械一百八十六
件拋棄衣履糧食等件沿途甚多計是日殲斃
賊匪共四百餘名提訊活賊內有僞軍師鄭三
元一名僞元帥褚貴王之遠鄧彬等三名供稱
此股係藍黃青白等號餘匪合夥推張世舉爲
首內有樊人傑之弟樊小掌櫃苟文明之弟苟
大秀都是副元帥又有總兵李應桂共有一千

三百餘人鄭三元與姚之富同時習教因是老
教首又有算計推爲軍師主謀昨與戴家營合
夥想要抗拒官兵擄掠糧食在老居溝經官兵
打散戴家營已往西逃走張世舉帶領各股前
來伊戴有藍頂花翎在一碗泉打仗傷害官兵
經官兵箭斃屬實苟大秀亦已帶傷他們搶去
總兵李應桂被鎗打死等供當將鄭三元及潛

貴等四名變高梟示其餘吳富兒等九十四名

均係積年矛手槩予斬訖其逃出難民訊係附

近百姓當卽釋回安業時戴家營一股已向廟

坪一帶竄走

臣

全保當卽率侍衛富翰等顧住

北面督兵緊躡追擊所餘青藍等號匪衆現向

紫竹一路竄去

臣

長齡率領侍衛呢瑪善等顧

住東面腹地緊進追殺再孫清元等所辦曾芝

秀一股由馬鬃嶺斜出與山地界又分前此會
合之王四一股由長峯直走巴東邊隘經副將
樊雄楚李天林等繞至界牌壩截住曾逆去路
擒斃賊匪及賊探共計六十餘人又經孫清元
吉林泰壓剿前後受敵賊勢窘迫亂竄不敢交
仗散出附近民人楊有才等二百餘人該匪遂
走二里荒老林遁匿王四一股逸至巴東沿渡

河經派往兜剿之遊擊俞國智率領把總袁大綱等在古坪一帶斃賊八十餘人都司周言昇同知尹英圖等復於將軍崔桃子坪等處接仗奮力掩殺立斃賊百餘人解散裹脅百姓亦有百餘人王逆大敗遁走興山之坵坪奔逃現在孫清元等設法兩面夾擊查此次官兵痛剿合夥賊股大獲勝仗斃賊共有八百餘人其王

曾兩逆經官兵兜截表裏夾擊均稱得手該逆等皆不敢突至腹地又不能逃遁出境而每遇

接仗散出者較前更衆其情形極爲窮敗現在

雖分竄老林圖延殘喘官兵分路專剿各據勝

勢臣等督飭各將弁兵勇鼓銳並進總當趁此

得手之時窮賊所向隨機剿辦務使以次就地

掃除節次打仗官兵勇衝冒冰雪均極奮勉

出力弁兵間有傷亡查明另行咨部辦理奏入

上命軍機大臣傳諭全保長齡曰此次戴家營一股

會合川省邊界青藍等號賊蹤驟增至二千餘人

向老居溝一帶奔竄全保當卽督率官兵分投抄

擊共斃賊三百餘人該匪等連夜散竄復經長齡

帶兵趕到迎頭剿捕殲賊四百餘名並僞軍師鄭

三元等多名所辦尙好全保長齡均著交部議敘

並各賞給四喜玉搬指大小荷包又發去玉搬指
五件翎管十件鼻烟壺十五件著分賞全保長齡

兩路出力將弁又賞給兩路出力兵勇一兩重銀

牌各一百面五錢重銀牌各一百面所有帶領兵

勇奮力殺死賊目張世舉之守備馬濟盛著加恩

以都司陞用其首先殺賊之遊擊王占鰲佐領張

進亨委官武成保把總趙先貴及頭等侍衛兜瑪

善二等侍衛雙福俱著交部議敘以示獎勵叅將
姚國棟遊擊三福衝入賊隊受傷陣亡深爲可惜
著各部賜卹此時戴家營賊匪經痛加剿殺之後
勢已窮蹙曾芝秀王四股匪經孫清元等截剿殲
擒二百餘人餘匪亦屬無多其戴家營一股專交
全保長齡剿辦曾王二逆專交孫清元剿辦務於
年內在楚省境內殲除淨盡不留餘孽卽係全保

長齡孫清元之功捷音馳到必加懋賞現在德楞
泰勒保俱馳抵川北經畧額勒登保軍營會商善
後事宜川東一帶兵力稍單恐賊匪聞風乘間奔
竄該省在在毗連所有各卡隘尤當嚴密防堵著
該撫等督飭各將弁晝夜巡防勿使賊匪一名奔
逸爲要

欽定剿平三省邪匪方略正編卷二百八十六

辛酉年

十一月二十三日

丙申

慶成奏言查張魏餘匪僅

有一百餘人狼狽越林逃奔

臣

派令叅將吳亨

衍遊擊張奉廷等裹帶乾糧率領兵勇入林窮

追並詢據花岩寨民人報稱十一月初八日打

敗賊匪追落岩澗約有二三百人逃竄不及一

半餘俱滾跌淹斃陡峽水深天寒實難打撈查

收奪獲賊旗鳥鎗長矛三百餘件首級五十六
顆耳記一百三十八具活賊二百十五名押解

前來訊出偽總兵馮天堂一名偽先鋒侯得俊

蕭斌彭成晏楊光德等四名實係隨從張添倫

魏洪升等起手老教殺擄較多當卽凌遲梟示

又有日久矛手譚明子等一百五十二名亦卽

分別正法其餘從賊未久被脅之川陝民人附

近鄉保赴營求領給發尙有離家稍遠川陝難
民六十四名查寧羌縣知縣馮裕定於前次解
交楊逆裹脅民人內審出湖北正賊許應元一
犯飭令正法尙屬細心卽就近解交該州復加
詳訊分別釋放旋據叅將吳亨衍遊擊張奉廷
等報稱正在剿捕殘匪間探有提督七十五自
太平城口追來苟文明等一股並冉高姚等逆

餘匪及通南一帶剿潰零匪與之合夥約有二

千餘人馬驟甚多由南江廣元沿邊一帶向西

北晝夜狂奔等語臣一面飛札該將等趕緊回

陝境各營卡兵勇堵剿尙恐兵力不敷臣卽帶

兵馳往川陝邊界之關口埡探蹤合剿途次據

報旬冉高姚等大股由廣元之尖場子向中子

舖北竄恐由南棧大道直入陝界該將等已帶

兵抄往黃壩驛截剿臣得信後漏夜西折陽平

關迎頭攔剿適吳亨衍等因賊已過廣元大道

以西亦帶兵勇抄出賊前隨與臣會合向南迎

剿據署陽平關叅將陳清選差探報稱該匪聞

有官兵迎頭截來未敢竄入陝境退至廣元之

蔡壩河十二日晚間由彼潛赴金獅廟淺灘偷

渡嘉陵江西奔環梁蒿溝沿江以北滋擾仍係

廣元地方川陝以白巖灣分界該處以南大灘

地方設有川省防卡躡淺之金獅廟又在大灘

以南若賊匪偷渡後向東北奔竄卽入寧羗州

境等語伏查嘉陵江係自東北而南白水江係

自西北而南俱至廣元留化之間白灘渡滙涑

南下爲川江此股賊匪雖於廣元縣屬金獅廟

躡淺偷渡西北尙在白水江之東逼近寧羗各

陽階文地方亦係大山老林從前藍白號賊匪
往來甘陝竄徑其白水江流急不能涉渡而隆
冬水涸亦當慎重嚴防臣以剿賊爲急不敢拘

泥疆界一面飛行川北松潘二鎮嚴加防堵一
面咨明勒保趕緊轉飭防範並將廣元境內踈
防之員查明叅奏聞提督七十五現在追剿此
股一併知會緊顧西路進剿但陝甘現無大兵

剿辦恐致竄匪滋蔓臣帶領兵勇抄截已過陽

平關卽應就近剿辦又不便因有此股賊匪西

竄遠兩牽動防剿大局所有西北防堵先已奏

明檄調總兵永明臣去後恐其一人照料難周

並札商長麟陸有仁酌量前竄入終南山之殘

匪如寧陝鎮將及通判雒昂等兵勇之力可以

搜捕完竣卽知曾慶溥先行撤回西北兼同派

明督率防堵更爲周密此股西竄之賊盡係殘
匪人數雖多衆心不齊一兩仗後易於得手

臣

乘此餘孽聚合鼓勵兵勇不遺餘力趕緊剿洗
第零匪烏合被剿情急復思散竄苟延當此功
虧一篲之際不容稍有稽遲計此三四股殘匪
合夥捨命西奔川楚地方餘匪自必頓減現將
情形報明經畧若各路兵勇剿辦殘匪已有就

緒騰出習慣跋涉兵勇酌派鎮將管帶由陝境
東北探蹤抄來兩路夾擊併力搜擒更得迅速
集事奏入

上命軍機大臣傳諭額勒登保德楞額秦勒保慶成曰
此次張魏餘匪經慶成派令將弁疊次截擊多有
斬獲並於獲犯內訊出偽總兵偽先鋒等五名分
別正法所辦尙好惟首逆張添倫魏洪升二犯乘

聞逃竄未知下落自應派員上緊捕搜肅清至苟
文明一股與冉高姚等逆餘匪合夥約有二千餘
人騾馬甚多由金獅廟淺灘偷渡嘉陵江此則七
十五之罪苟文明股匪本係七十五專剿爲日已
久總未見趕上賊匪獲一勝仗早經朕看出節經
諭令額勒登保等據實查奏昨伊等奏到摺內稱
苟逆本止一千餘人近又裹脅湊聚增至二千餘

人此卽七十五縱容之罪經畧叅贊俱向西截剿
是明知苟逆一股人數較多七十五全不足恃始
終徇庇是何意見昨又降旨令額勒登保等據實
查叅今苟逆果湊合他股餘匪偷渡嘉陵江非七
十五屢次遲延子賊以暇何至於此七十五獲罪
甚重著卽解任交額勒登保德楞泰將七十五沿
途如何逗遛延緩之處訊明叅奏治罪卽七十五

因從前曾經受傷患病行走不能迅速亦當及早
報明經畧另換他人帶兵自不至縱賊滋蔓乃以
賊平指日戀棧貪功不自引退又不能速辦苟逆
以致如此鴟張其罪斷不能稍貸矣至額勒登保
德楞泰既知七十五辦賊遲延屢次嚴催何以不
行叅奏且伊二人如尙在陝境猶可稱相距較遠
不及兼顧今額勒登保德楞泰俱在川北稔知苟

逆一股人數頓增向廣元一帶奔竄豈不慮其偷渡嘉陵江早爲防範何以竟未籌計及此勒保係四川總督並不先事預防實屬疎忽額勒登保德楞泰查明賊匪偷渡之金獅廟一帶江岸勒保如曾派員在彼防守卽將該處巡防之員嚴叅辦理倘該督未經派員防守則專係勒保之過亦卽據實叅奏慶成聞知賊匪渡江後卽帶領兵勇由陽

平關趕往不分畛域奮力剿賊甚屬可嘉想慶成
發摺時尙未知經畧叅贊俱已向西截剿苟逆一
股現在伊三人皆專注此股賊匪自無難尅日殲
除但陝省西北一帶祇有慶溥永明二人在彼防
禦兵力未免較單倘李彬湯劉等逆聞知乘間竄
入殊有關係如慶成趕上苟逆業經得有勝仗經
畧叅贊接踵至彼大兵雲集自易尅期辦竣或合

慶成仍回陝境防堵或留慶成在彼額勒登保德
楞泰二人內分一人督辦李彬湯劉等股並防堵
陝境不致顧此遺彼方爲妥善至苟逆一股據稱
人數雖多衆心不齊易於得手但此等殘匪總須
迅速剿辦不可稍令滋蔓况苟逆奔竄之地逼近
寧羗畧陽階文地方俱有大山老林若任其逃入
搜捕未免費力且白水江現當隆冬水涸之際亦

應慎重嚴防當此功屆垂成豈可復任散漫額勒
登保等務當趁其攢聚一處併力截擊將苟逆一
股悉數殲除就此蕝功兼贖前咎佇盼捷音之速

至

三十五日

戊戌

長麟奏言

臣

於十一月初九日行

抵漢中正與撫

臣

陸有仁商辦善後事宜十七

日夜間據報苟文明與冉高姚等股餘匪合爲

一夥約二千餘人於十二日晚由川省廣元縣

屬之大灘地方躡淺偷渡嘉陵江向西奔竄十

五日竄至階州屬之梅子園查此股賊匪本係

四川提督七十五追剿臣當卽飛致七十五無

分畛域跟追入甘趕緊剿洗聞提督慶成現亦

帶兵由寧羌抄赴甘省兜截經畧額勒登保叅

贊德楞泰亦由通江一帶連夜向西追剿前來

如有入甘之信應需糧餉臣已由急遞飛札鞏

秦階道朱爾漢馳赴階州督率辦理惟是甘省

地方正當散賑之際饑民絡繹載道臣雖已飛

札各州縣傳諭災黎各登堡寨但若不酌調官

兵防堵衛護人心未免驚惶臣亦已飛調督標

並固原提標河州鎮標共官兵二千二百名分

布岷州秦州鞏昌一帶既可防賊深入亦可藉

安人心臣亦於十八日自漢中起身馳回甘省

照料軍需糧餉一切各事宜奏入

上命軍機大臣傳諭額勒登保德楞泰長麟慶成曰
昨據慶成奏稱苟逆渡江奔竄仍係廣元地方逼
近寧羌畧陽階文等處今苟逆已竄至階州屬之
梅子園是已闌入甘肅境內此皆七十五玩縱之
罪斷難解免自剿辦教匪以來徵兵籌餉已及六

年近日始能將各股殘匪逼歸川境歲功已在旦
夕詎料七十五所辦苟逆一股日久遲延又復湊
集餘匪竄入甘境以致經畧叅贊所帶大兵俱向
西截擊又形散漫朕心深爲焦厘此時甘省正當
熬賑之際饑民絡繹於道苟逆渡江時雖祇二千
餘人若饑民等被其裹脅日內或已增至三四千
人亦未可定况階州地方早經安堵今猝遭蹂躪

百姓有一人受賊荼毒卽係七十五縱賊殃民所致昨會降旨將七十五解任交額勒登保德楞泰審辦今苟逆竟入甘滋擾而七十五尙不知在何處逗遛卽慶成長麟措內俱稱係七十五所辦不知其在何處追趕七十五曾經獲罪今復玩悞罪更難追著革職拏問交額勒登保德楞泰長麟嚴加審訊如七十五任意逗遛縱賊奔竄不特當按

律定擬竟應加重處置卽因從前曾經受傷患病
當此剿賊萬緊之際自揣不能勝任何以不及早
報明經畧另換他人帶兵乃戀棧貪功貽誤軍事
其罪亦難輕貸所有四川提督員缺著額勒登保
德楞泰等先派員暫署卽於軍營應陞出力人員
內擇其打仗奮勇而又才具明幹能膺提督之任
者保舉數員出具考語開單進呈候朕簡放至賊

匪由廣元偷渡時前日慶成摺內並未提及該處
有防守官兵在彼攔截本日長麟奏到之摺亦祇
稱躡淺渡江向西奔竄可見廣元一帶江岸竟未
派員防守勒保身任川督固有應得之咎其時經
畧叅贊俱在川北稔知苟逆向廣元逃竄並不先
事預籌速派鎮將前往防範而又明知七十五屢
次延玩不及早叅奏致苟逆乘間竄擾均難辭咎

現在伊二人自己帶兵入甘務當迅速截擊卽在

階州境內將賊匪悉數截除尙可勉贖前愆再邀

恩賚倘稍有遲緩或任苟逆深入甘境甚至越過

棧東竄匿南山老林則額勒登保德楞泰不但前

功盡棄必將伊等所得封爵一併追回額勒登保

等自思際此功屈垂成佇膺懋賞之時可不倍加

愧奮耶再長麟一令其來京供職陝甘總督簡放

惠齡此次長麟一聞苟逆竄甘稟報卽一面飛飭鞏秦階道馳赴階州趕辦糧餉長麟亦卽由漢中馳回甘省照料一切甚屬可嘉惠齡由京赴甘尙需時日長麟惟當督率該道等將軍營應需糧餉妥爲籌運俾得源源接濟無悞軍儲其所調固原河州兵二千名分布岷州秦州鞏昌一帶防護自應如此辦理再慶成此時自已於額勒登保德楞

秦未到之前先行起抵甘省奮力截剿如已將苟
逆一股痛加殲戮得有勝仗卽著迅速具奏以慰

厘注

同日長麟陸有仁奏言竊臣等前奏請將固原

提督移駐漢中經軍機大臣會同兵部議以現

在漢中較固原更爲緊要應照臣等所奏將固

原提督移駐漢中作爲陝西提督至固原地當

孔道亦關緊要臣等原奏內議請仍設固原總

兵之處部議以陝省向設陝安鎮總兵一員駐

紮興安若將陝安鎮總兵移駐固原以漢中原

設之城守協副將移駐興安歸提督管轄一轉

移間不煩添設總兵而控制較爲得力但究未

能深悉該處情形仍交臣等再行詳議等語查

提督既經移駐漢中距興安僅六百餘里且尙

有新設寧陝鎮總兵近駐南山聲氣相通足資
聯絡誠如部議若將陝安鎮總兵移駐固原漢
中協副將移駐興安則漢南一帶控馭機宜提
督就近可以兼顧應請遵照部議辦理又臣等

原奏內稱固原現有提標兵丁三千五百八十
二名減至二千作爲定額之處部議以固原邊
陲重地總兵所轄兵額似不必拘泥營制輒議

裁減可否仍照提督所轄原額併交臣等妥議

查固原提督原管額兵三千五百八十二名內

除屯防口外兵丁外實止存營兵二千九百四

十二名本非過多臣等原奏特以經費有常鰓

鰓爲節費之計今准部議可以毋庸裁減實於

控馭巡防均有裨益其漢中提標應募新兵俟

大功告歲將各營隨征鄉勇挑補足額即可藉

爲安插鄉勇之地更屬一舉兩得亦應遵照部
議辦理謹將一切章程詳細妥議開單恭呈

訓示奏入得

旨原議大臣悉心妥議具奏

二十六日巳軍機大臣慶桂等會同吏部兵部

奏言伏查川省爲沿邊要地幅幘遼濶山深箐
密最易藏奸此次教匪不法仰仗

皇上天威疊次殲擒醜類大功屆歲但毗連陝楚地

方道路分歧恐餘氛易於潛匿事竣之後一切

彈壓稽查均關慎重其有地處衝要而向未設

官弁者自應添駐專閫大員以資控制今據

德楞泰等奏稱川北鎮所屬太平營爲川北川

東沿邊適中之地請將該營改爲太平協添設

副將一員駐劄城內將該營原設之都司一員

作爲協標左營都司移駐城口并於協標添設
備弁兵丁分駐防守等語查川省設有提督一
員總兵四員俱分駐要隘而重慶川北兩鎮所
轄營汛界連陝楚自巫山以至廣元綿長二千
餘里距兩鎮駐劄較遠有鞭長莫及之勢該處
向僅設有都司一員不足以資防守該大臣等
連年帶兵剿辦日擊該處情形請酌添將備兵

丁係爲慎重邊陲起見應如所奏於太平營地方添設副將一員並添協標右營守備一員隨同該協駐劄城內卽以太平營原設之兵丁作爲右營兵額其原設之都司作爲協標左營都司移駐城口安兵四百名分巡稽察再通江縣屬之竹峪關廣元縣屬之黃楊堡大寧縣屬之徐家壩巫山縣屬之大昌等處地居萬山之中

爲三省出入要路亦應如所請於竹峪關黃楊

堡徐家壩大昌等四處各添設守備一員並各

添兵二百五十名分營防守以聯聲勢徐家壩

大昌二營原設夔州協汛地仍應歸夔州協應

與改駐之左營都司及添設之右營守備並竹

峪關黃楊堡各守備歸川北鎮管轄至所添兵

額該大臣奏請於通省營分酌量籌撥其不敷

者自應於各路隨征鄉勇內情願入伍之人擇其年力精壯者揀選毋得以軟弱充數其應行添設千把外委等官並兵丁馬步戰手額數應俟該大臣等詳查妥議再行核辦至所奏達州添設知府州縣丞倅之處查各省道府以下各缺該督撫不得妄行更改若因地方情形今昔不同不得不爲變通者准令該督撫隨時具奏

全該大臣等以達州爲教匪起事之地民俗刁

悍撫治綦難量請酌改所有達州直隸州應准

其改爲知府太平縣准其改爲太平廳直隸同

知東鄉縣准其添設主簿一員太平廳准其添

設照磨一員所屬城口地方主簿准其裁去改

設經歷一員涪州所屬鶴遊坪准其添設州同

一員平武縣大印山准其添設主簿一員綿州

金山驛地方向係該州舊治准其移駐老州地
方保縣准其歸併理番同知管理卽以該縣改
復羅江縣綿州州判准其仍駐豐谷并順慶府
同知准其歸併該府通判管理將缺改抵太平
同知達州原設州同准其裁去改抵涪州州同
墊江縣縣丞准其改抵太平廳經歷太平縣城
口主簿准其改抵東鄉縣主簿達州吏目准其

改府經憲麻柳場巡檢准其分隸首縣管理太

平廳准其添設照磨一員平武縣准其添設主

簿一員其所添知府及太平廳照磨平武縣主

簿該大臣等既稱現辦善後事宜未能拘泥成

例裁缺改抵亦應如所奏免其裁抵該處當賊

氛初靖之時於要隘處所添設員弁分佈營汛

形勢已爲嚴密全在文武大員督率該屬實心

舉三才圖會卷之三
任事庶撫馭均有實濟而地方益著救寧至達

州既請改爲府應當改

錫嘉名臣等謹遵

旨酌擬恭候

欽定其各官俸薪添建衙署兵房應鑄關防印信及

各缺應如何酌定繁簡題推之處並一切未盡

事宜統俟該大臣等分別題咨到部再行核辦

奏入得

旨依議達州著改為綏定府

卷之三十三

Blank column

Blank column

Blank column

Blank column

Blank column

Blank column

Blank column

欽定剿平三省邪匪方略正編卷二百八十七

辛酉年

十一月二十九日

壬寅

額勒登保德楞泰奏言

臣

額勒登保德楞泰於前次拜摺後各帶官兵由嚴家壩梓潼廟馬鬃嶺分路前進探剿苟文明及各股零匪行抵平溪壩據扎克塔爾馬瑜等報稱十三日抵金雞河探有一股零匪約四五百人由樟溪嶺一帶奔竄十四日率兵進抵南

江分水嶺四鼓發兵該匪正在圍逼民祠前隊
兵勇趕到殺斃賊匪數名該匪慌亂翻山逃遁

扎克塔爾馬瑜與副都統色爾滾副將應元寬

等分投追殺殲斃七八十名生擒六十五名奪

獲刀矛八十三件餘匪由陡壁深林四散奔逃

訊據獲犯供稱係姚馨佐股匪並與張添倫股

內分出百餘人合夥當將從逆日久之李榮貴

等四十七名正法其餘附近被脅之十八名卽
行釋放扎克塔爾馬瑜等仍卽緊躡賊蹤追剿
前進十六日抵沙河壩場又據探報附近之碑
壩天平河一帶皆有零匪出沒滋擾扎克塔爾
復與馬瑜各帶官兵分左右兩路探剿十七日
早間扎克塔爾督率兵勇行抵木竹埡半山適
遇一股賊匪竄來扎克塔爾帶領官兵併力下

壓鎗箭齊發斃賊五六十人拏獲大旗手杜心
斗等十七名訊係辛聰股匪當卽用矛戳斃帶
領兵勇奮力追殺趕過數重大山沿途斃賊四
十餘名滾巖落澗者數十名該處山勢窄狹賊
匪將騾馬全行拋棄翻山奔逃遂令副將應元
寬叅將吳廷剛等帶領步隊兵勇跟蹤追殺扎
克塔爾率同傅陞捫欽保等帶領馬隊從旁路

順溝沙截兩路共斬獲七八十人奪獲刀子百
餘件馬騾四十餘頭匹餘匪由鐵寶寨老林竄
逃又有被官兵衝散百數人向白果壩逃逸適
遇馬瑜帶領官兵於碑壩西壩一帶探剿而來
迎頭截殺斃賊三十餘名生擒五十四名追抵
韭菜巖悉數殲盡遂將兩路所獲各犯歸併審
訊將真正賊匪戴洪孝陳貴珍等六十九名分

別凌遲正法其被脅未久之吳清臣等三十八名亦卽釋放是晚扎克塔爾馬瑜等仍合兵一

路十九日進抵下沙壩又探有賊匪三四百人

屯扎丁家溝相距五十餘里是夜三更扎克塔

爾率同傅陞應元寬等帶兵由芥菜園進剿馬

瑜色爾滾率同李應貴馬應國等帶兵由新寨

子進剿各官兵於四更時均抵丁家溝卽乘月

色衝入賊屯刀砍矛戳立斃三十餘人賊匪向

山後老林奔竄步隊兵勇跟入老林時已黎明

於林箐內分投搜剿共計斃賊七十餘名生擒

男婦八十二名餘匪百餘人向大樹壩奔竄正

值_臣帶領兵勇從趕場溪而來迎頭兜剿又有

馬應國吳廷剛祝廷彪等跟蹤追到該匪無路

逃竄匿入箐林我兵分路兜圍斃斃五十八名

生擒七十四名將此股殲除淨盡遂趕抵貴門
關紮營訊據所獲各犯內偽總兵張正坤林大
文大旗手周老五等供稱係冉學勝高見竒戴
四等股內節次剿散之人陸續奏合一處只有
二百餘人日間不敢行走每夜暗出摸樁先後
裏脅一百餘人意欲與大股合夥卽將該三犯
凌遲處死并將從逆日久之周上典等八十名

概行正法其餘附近被脅者卽予釋放

臣

等連

口由通南一帶分路進發原係迎剿苟文明賊
匪因各零匪於附近竄擾自應先行督率剿辦
現又據探報姚馨佐股匪被剿之後所剩二百
餘人由彌陀寺向東奔逃辛聰股匪被剿之後
所剩亦不過三百餘人由大壩向西奔逃皆於
深山密箐晝伏夜行爲避兵苟延之計惟探得

苟文明股匪有分出六七百人向南江西南之
鎮子壩龍山一帶逃竄其正股約二千餘人向
西南廣元闌入寧羌界內七十五現在緊躡追
剿臣等業經嚴行飭催該提督并總兵田朝貴
等務卽趕緊截剿卽不能就地撲滅亦必併力

迅速攔回萬勿直令西竄並飛札知會慶成轉
飭各營卡防剿官兵嚴密堵截臣德楞泰現卽

率領達勒精阿馬瑜等由南江沙河子木門西
南一帶趕辦苟逆分股之數百人并就近督催
七十五將西竄之賊上緊截回與之兩面夾擊

臣

額勒登保現仍率同扎克塔爾楊遇春由木

竹垵保年壩一帶分兵剿洗姚馨佐辛聰及各
起零匪且備苟逆股匪經各官兵逼向東來亦
正可迎頭剿辦伏查刻下賊匪情形如姚馨佐

辛聰張添倫等早已潰敗零星竟無伎倆李彬
率領餘匪近向東太一帶奔逃有格布舍楊芳

等帶兵緊躡專剿可以卽日辦完湯思蛟殘匪

有勒保督率薛大烈剿辦劉潮選殘匪有賽冲

阿温春等剿辦亦皆不致久延時日惟苟文明

一股人數尙多肆意奔逃實爲可惡然當此兵

多賊寡之際亦不能稍有蔓延一經七十五等

截回卽不難一鼓集事是刻下軍務大局已爲

戡定臣等謹商定應行籌辦各事奏請

訓示約計奉到

諭旨爲期尙須兩旬彼時苟文明股匪縱尙未全股
殄滅亦必所剩無多其各股餘氛亦定可漸次

消滅臣德楞泰卽當酌量情形遵

旨先行北上恭伸展

覲叩謁

裕陵現在仍惟有與

臣

額勒登保速探賊蹤分路趕剿

斷不敢存遷就完事之見

額勒登保德楞泰勒保又奏言竊

臣

等荷蒙

委任統率師千數載以來仰仗

天威赫濯

睿訓周詳各首逆王廷詔高二高三馬五徐添德伍

懷志冉學勝龍紹周高見竒等皆係兇悍巨魁
緊要大股均已次第蕩平其現辦之李彬湯思
蛟劉潮選苟文明等股零星奔竄不難迅就殲
除前次欽奉

上諭飭令

臣

等通盤籌畫如何辦定大局徐撤大兵

卽有一二遺孽或歸入搜捕餘匪善後事宜或酌
留官兵督捕或竟責成本省督撫派兵搜捕籌度

情形據實具奏 臣等謹會商應辦事宜十款恭呈

御覽一川陝馬隊官兵除吉林索倫各留三百名於

川陝二省調度楚省亦酌留二三百名外其餘

東三省官兵在楚者卽由楚撤回在川者卽由

川江至襄陽起早撤回在陝者由漢中西安分

起撤回一將雲貴官兵及川省官兵均歸於川

界搜捕餘匪俟將次肅清時卽將雲貴官兵由

川省撤回原營仍酌留川省征兵於太平以東

開縣大寧交界處所派總兵一員設一大營提

督統率又於通江南江廣元交界處所令本鎮

總兵設一大營又於通江太平適中之地令總

兵一員帶兵設營或將軍總督在彼駐劄統率

其所留兵數按通省標鎮協營官兵以四成爲

率如不敷分設卽以隨征鄉勇添補約計每處

酌設兵勇五千名共須兵勇一萬五千名足敷
搜剿其防江兵勇擬將防兵先撤將鄉勇暫行
留防俟搜剿官兵撤歸本營之際再一體全裁
一將現在川陝隨征之兩廣直隸山西山東官
兵均歸於陝界協同陝甘官兵搜捕俟將次肅
清時卽將兩廣直隸山西山東官兵由陝撤回
原營酌留陝甘官兵於平利安康交界之磚坪

派總兵一員設一大營將軍統率又於寧羌南
鄭交界之黃官嶺派總兵一員設一大營提督
統率又於西鄉固縣營派總兵一員設一大營

臣額勒登保在此暫劄其所留兵數甘省除西

寧寧夏官兵係緊要邊地全行撤回外其督標
提標肅州河州涼州五營酌留兵七千名陝省
除寧陝鎮外各營兵亦以四成爲率如不敷分

設卽以隨征鄉勇添補約計每處酌設兵勇六

千名共須兵勇一萬八千名足敷搜捕一楚省

將現有之東三省官兵酌留二三百名調用其

餘山東兩廣江西安徽官兵卽由陝撤回原營

所有陝西隨征之湖南湖北官兵撤歸楚省以

提標及鄖陽鎮官兵在二竹設營提督管帶以

督標撫標官兵在言房縣之九道梁扇子壩一帶

派總兵一員扼要設營巡撫統率以宜昌鎮官

兵在歸巴興出一帶設營本鎮總兵統率所派

各標官兵亦以四成爲率如不敷分設酌量撥

留湖南兵一二千名協同宜昌鎮兵設防倘兵

力再不敷用將就近本州縣鄉勇酌量分撥設

營處所以資搜捕交吳熊光全保長齡等隨時

辦理一川陝楚除酌設官兵搜捕外仍飭各該

管道府督率委員分定段落勸諭寨堡民勇於
附近協同搜捕如有斬獲卽分別獎賞各寨硿
遇有損塌隨時修葺不許疎忽俟餘匪淨盡後
再令居民下寨一外省官兵撤回後祇留本省
官兵設防搜捕則分例自應酌減擬令官員支
領鹽菜及本身馬乾銀兩裁去馱隻兵丁祇支
鹽菜夫價裁去加增餘丁一各州縣寨硿存貯

糧石卽供支設防官兵如搜捕少需時日糧不敷用各州縣卽毋庸再運以省腳價每兵按月給予口糧連鹽菜共發銀二兩七錢如陝省酌留兵勇一萬八千名以每名二兩七錢合計每月連官員約需五萬有零三省安設兵勇數目多寡不一總計一月需銀不過十四五萬兩一各省鄉勇除未留用者應令其回籍各安生業

外其所留鄉勇月支鹽菜銀九錢月支米一分
若不支米每月連鹽菜給予銀二兩七錢鄉勇
內有壯健情願入伍者隨時挑補名糧如糧缺
不敷卽作爲各營餘丁俟搜捕完竣後將補給
名糧者隨隊回營有充餘丁者亦一同歸伍隨
時驗補其餘不願入伍者聽其回籍生理一川
楚各本境肅清後恐交界處所深山密林內尙

有零匪伏匿三省兵勇應彼此聯絡於交界處
所會哨一二次果無餘孽始撤回本營操防一
鄉勇數年隨征多著勞績其頭人內有奉

旨賞給翎頂者除已拔弁缺毋庸議外其有五六品
頂戴藍翎者如願入伍卽以把總外委補用七
八品頂戴以外委額外補用倘不願入伍本省
督撫查明給予執照准其照舊戴用翎頂各回

本籍其餘各勇均於回籍時酌給盤費以示獎
勞以上各條係臣等公同籌商是否有當恭候
訓示均奏入

上命軍機大臣傳諭額勒登保德楞泰勒保曰此次
姚馨佐張添倫及辛聰各股餘匪竄至樟溪嶺木
竹垵等處經兵勇剿殺前後殲擒五百餘名并將
零匪殲除淨盡所辦尚好惟苟文明一股先據慶

成奏報該逆與冉高姚等匪會合約二千餘人於

本月十二日由廣元金獅廟淺灘偷渡嘉陵江續

又據長麟奏報苟浙一股於本月十二日由大灘

偷渡嘉陵江向西奔竄已於十五日竄至階州之

梅子園地方而本口額勒登保摺內稱苟文明正

股賊匪尚在寧羌境內等語慶成之報係本月十

四日所發長麟之報係本月十八日所發俱已將

苟逆奔竄情形探明入奏慶成摺內并稱一面報
明經畧酌派鎮將探蹤抄截乃此次額勒登保之
摺係本月二十一日所發較遲多日早應接到慶
成咨報何以摺內所叙情節不但不知苟文明一
股竄至階州并不知其躡淺渡江之事殊不可解
且上次額勒登保等奏報曾稱苟逆一股人數稍
衆非併力剿辦不能集事額勒登保由東北向西

逼剿德楞泰出東南向西追擊據所奏情節似已

分路進發而本日摺內則稱德楞泰由南江一帶

剿辦苟逆分股之賊六七百人並督催七十五截

賊向東以便夾擊亦與前奏不符以上各情節卽

速明白回奏至另摺奏報竟稱大局戡定尤屬冒

昧看來額勒登保等竟不免有遷就了事之見大

非朕意矣前此朕屢次降旨令額勒登保通盤籌

畫將大局戡定情形先行奏報並諄諭以不可稍有草率今苟逆正股尚有二千餘人其分股之賊亦有六七百人卽李彬湯思蛟劉潮選等股亦未

全淨此時苟逆卽無偷渡嘉陵江竄到階州之信已不得云大局戡定况現在又已闌入甘省豈伊等欲將苟逆大股未完之賊歸入搜捕餘匪內僅交本省提督七十五辦理欲思粉飾完事乎朕之

諭令額勒登保等將大局勘定情形先行具奏者
原以湯劉李苟等逆如果悉數殲除或實已殘敗
不能成股祇剩一二零星餘匪自可將搜捕之事
歸於善後辦理焉有大股未完輒稱大局已經戡
定豈朕卽據爾等粉飾入告之摺論功行賞耶前
此慶成長麟等奏到苟逆奔竄入甘朕心已深焦
厯而本日額勒登保等所奏情節又與慶成等奏

報不符九增煩滿額勒登保德楞泰勒保均著傳
旨申飭辦理教匪已及六載當此蕞績有期更應
加意慎重若額勒登保等祇圖目前完事不爲久
遠之計設使甫經撤兵餘匪復潛出滋擾彼時仍
須徵兵調餉非但不成事體而賊匪散而復起剿
辦更爲費力何如趁此兵多賊少之時一鼓殄平
爲一勞永逸之計額勒登保斷不可因現在將屆

年節欲思以蕝功喜報上慰朕心若果能將各股
首夥賊匪悉數殲擒不留餘孽於年內奏報凱音
固屬甚善萬一稍稽旬日而蕝功完善其所爭遲
速幾何額勒登保等惟應辦理周妥萬勿草率從
事以致功虧一簣也再樊人傑一股屢次奏報均
未提及該逆亦係著名首犯此時究竟竄往何處
若該逆夥黨均已剿散止餘隻身逃竄自無難嚴

等所奏係屬實在情形則七十五罪無可追額勒
登保卽遵照前旨將七十五革職拏問審明加重
定擬具奏勿稍瞻徇至所奏會籌應辦事宜如隨
征鄉勇內將賞過翎頂者卽以把總外委補用一
節與朕前降諭旨正合惟所議先撤官兵後撤鄉
勇一節尙未妥協軍務告蒧以後安插鄉勇一事
最爲緊要前已有旨諭知額勒登保德楞泰會同

各該督撫悉心籌辦若如額勒登保等所奏先撤官兵後撤鄉勇則官兵歸伍之後鄉勇等未免無所鈐束殊非善策朕意或先撤鄉勇後撤官兵否則兵勇兼撤方爲正辦但此意切不可稍有宣露恐鄉勇等轉致心生疑貳也至所議將各州縣寨碕存貯糧石供支設防官兵等語亦屬未妥留防兵丁如尙有搜捕等事畧需時日其所需糧餉自

應設法接濟若如額勒登保等所議將寨硎官存糧石供支官兵若有不敷各州縣無庸再運每兵按給口糧銀兩聽其自行買食恐寨硎居民有意居竒兵丁口食必形拮据此一節應另行妥議辦理又摺內有德楞泰酌量遵旨先行北上之語此則尙早前此因德楞泰係成都將軍於軍務大局底定後先令伊來京召見慰勞卽回本任以便更

換額勒登保來京原指各股賊匪辦竣而言今苟
文明股匪尚在奔竄而李彬湯劉殘匪亦尚未全
行剿盡不但額勒登保當留彼督辦卽德楞泰亦
不可遽行來京總須會同熟商妥辦務期經久救
寧德楞泰惟應聽候朕旨來京毋庸亟亟若急於
啟程致軍務稍有貽誤必治以應得之罪再教匪
不過內地亂民並非遠徼外夷掃穴犁庭可比卽

全數辦竣不值馳遞紅旗祇須用紅裏黃面奏摺
加緊馳奏將大功底定情形聲叙得體以便宣示
中外但不可稍有輕率也